

**CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E DEPORTES E A FEDERACIÓN GALEGA DE PIRAGÜISMO, PARA A REALIZACIÓN DO PROGRAMA DE PROMOCIÓN E DESENVOLVEMENTO DA SÚA MODALIDADE DEPORTIVA PARA O ANO 2024**

Santiago de Compostela,

**REUNIDOS**

Diego Calvo Pouso, nomeado vicepresidente primeiro e conselleiro de Presidencia, Xustiza e Deportes a través do Decreto 65/2023, do 14 de xuño, polo que se nomea vicepresidente primeiro e conselleiro de Presidencia, Xustiza e Deportes a Diego Calvo Pouso, e en uso das competencias establecidas no Decreto 117/2022, do 23 de xuño, polo que se establece a estrutura orgánica da Vicepresidencia Segunda e Consellería de Presidencia, Xustiza e Deportes, actualmente Vicepresidencia Primeira e Consellería de Presidencia, Xustiza e Deportes de conformidade co Decreto 59/2023, do 14 de xuño, polo que se establece a estrutura orgánica da Xunta de Galicia.

José Alfredo Bea García, presidente da Federación Galega de Piragüismo, no seu nome e representación, en exercicio das facultades atribuídas para o efecto polos seus estatutos federativos.

**EXPOÑEN**

1. Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondéndolle á Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte as competencias de elaboración, proposta e execución da política do goberno galego en materia de deportes, conforme ao establecido no Decreto 117/2022, do 23 de xuño, polo que se establece a estrutura orgánica da Vicepresidencia Segunda e Consellería de Presidencia, Xustiza e Deportes, e na Disposición Transitoria do Decreto 59/2023, do 14 de xuño, polo que se establece a estrutura orgánica da Xunta de Galicia.
2. A Lei 3/2012, do 2 de abril, do deporte de Galicia, regula no seu artigo 51.1 as federacións deportivas galegas, configurándose estas como entidades privadas sen ánimo de lucro con personalidade xurídica propia e plena capacidade de obrar, cuxo ámbito de actuación se estende ao territorio da Comunidade Autónoma de Galicia.

3. Segundo o establecido no artigo 51.5 da Lei 3/2012, do 2 de abril, só se pode recoñecer unha federación deportiva por cada modalidade, exercitando cada unha delas en réxime de exclusividade, ademais das funcións que son propias do seu ámbito privado, as funcións públicas delegadas establecidas no artigo 56.4 da norma, actuando neste caso como axentes colaboradores da Administración.
4. A Xunta de Galicia proxectou e executou a obra de construción do Complexo Náutico e Campo de Regatas David Cal en Verducido, Pontillón do Castro - Pontevedra, co obxectivo de destinarse á formación, preparación e especialización dos deportistas galegos da modalidade do piragüismo.

O Complexo Náutico e Campo de Regatas David Cal en Verducido, Pontillón do Castro - Pontevedra debe ser xestionado de tal xeito que garanta o seu máximo rendemento deportivo, a través da aplicación de acertados programas técnico-deportivos que abarquen desde a base ao alto rendemento, garantindo un contexto idóneo para o crecemento e desenvolvemento dos deportistas galegos nos ámbitos deportivo, pedagóxico e social. A esta prioridade cara a mellora da tecnificación e rendemento no piragüismo de Galicia, únese a necesidade de optimizar o centro cara á consecución de melloras similares en todas aquelas modalidades deportivas que poidan beneficiarse do uso destas instalacións polas súas características específicas e posibilidades que ofrecen.

A Federación Galega de Piragüismo é a única federación recoñecida pola Comunidade Autónoma de Galicia para a modalidade de piragüismo, modalidade deportiva para a que estas instalacións están preparadas, sendo a única posible beneficiaria da concesión de ocupación temporal deste complexo deportivo.

Neste marco das funcións federativas e da competencia de promoción da actividade deportiva encomendada á Secretaría Xeral para o Deporte, a Vicepresidencia e Consellaría de Presidencia, Administracións Públicas e Xustiza ditou a RESOLUCIÓN de 10 de xullo de 2017, pola que se outorga a concesión do Complexo Náutico e Campo de Regatas David Cal en Verducido, Pontillón do Castro - Pontevedra, a favor da Federación Galega de Piragüismo, coa finalidade de que a Federación de Piragüismo desenvolva os programas de iniciación, tecnificación, rendemento e de alto nivel dos deportistas galegos desa modalidade deportiva co obxectivo de proxectalos á elite mundial.

5. Neste marco das funcións federativas, é pretensión da Xunta de Galicia, Vicepresidencia Primeira e Consellaría de Presidencia, Xustiza e Deportes, subscribir o convenio de colaboración coa Federación Galega de Piragüismo para a realización do programa de promoción e desenvolvemento da súa modalidade deportiva para o ano 2024, concretado nas actuacións recollidas neste documento, atribución que ostenta esta, en réxime de exclusividade.
6. O interese público deste convenio radica, con carácter xeral, na necesidade de promover o deporte dando cumprimento ao establecido na Lei 3/2012, do 2 de abril, do deporte de Galicia, dada a importancia que ten o deporte na sociedade actual como actividade cidadá voluntaria, como ferramenta educativa, como elemento crucial no desenvolvemento harmónico das persoas e no seu equilibrio físico e psicolóxico e como elemento que contribúe ao establecemento de relacións plenas do individuo co grupo e dos grupos entre si.

Para tal efecto, as partes subscriben este convenio que se suxeitará ás seguintes

## CLÁUSULAS

### **Primeira.- Obxecto do convenio.**

O obxecto deste convenio é establecer para o ano 2024 as bases de colaboración deportiva e económica entre a Vicepresidencia Primeira e Consellería de Presidencia, Xustiza e Deportes e a Federación Galega de Piragüismo.

Con este convenio a Vicepresidencia Primeira e Consellería de Presidencia, Xustiza e Deportes, colaborará cos gastos ocasionados con motivo da realización dos seus respectivos programas de promoción deportiva para a anualidade 2024, co fin de fomentar o deporte e a actividade física saudable no ámbito da Comunidade Autónoma de Galicia, colaborando así no desenvolvemento do sistema deportivo galego, e para a realización das actividades de mantemento e conservación do Complexo Náutico e Campo de Regatas David Cal en Verducido, Pontillón do Castro – Pontevedra, así como para os gastos de funcionamento destas instalacións, pola cesión de uso outorgada pola Secretaría Xeral para o Deporte á citada federación, tal e como queda reflectido, en termos de actividade e económicos, na ficha I, Reparto orzamentario por programa, do presente convenio.

En todo caso, e non obstante esta concreción, e dado o seu carácter estimativo, sempre que o interese deportivo así o aconselle, poderá procederse, logo da solicitude motivada da federación e da autorización expresa e por escrito da Secretaría Xeral para o Deporte, á modificación dos termos da referida ficha I do presente convenio, modificación esta que, en ningún caso, poderá supor incremento da contía total establecida.

### **Segunda.- Financiamento e importe da axuda.**

2.1. Co fin de cumprir o establecido na cláusula primeira, a Vicepresidencia Primeira e Consellería de Presidencia, Xustiza e Deportes concédelle á Federación Galega de Piragüismo unha subvención por un importe máximo de ata 565.160,00 € euros (cincocentos sesenta e cinco mil cento sesenta euros), imputables á aplicación orzamentaria 05.02.441A.481.0 dos orzamentos xerais da Comunidade Autónoma para o ano 2024. Esta cantidade representa o 100% do orzamento total do proxecto que constitúe o obxecto deste convenio.

Este expediente tramítase como anticipado de gasto, de acordo coa Orde da Consellería de Economía e Facenda do 11 de febreiro de 1998 sobre tramitación anticipada de expedientes de gasto, modificada polas ordes da mesma consellería do 27 de novembro de 2000 e do 25 de outubro de 2001, e co establecido no Proxecto de lei de orzamentos xerais da Comunidade Autónoma de Galicia, aprobado polo Consello da Xunta de Galicia na súa reunión do 18 de outubro de 2023, na cal se acordou a súa remisión ao Parlamento de Galicia para a súa tramitación.

A concesión das subvencións queda condicionada á existencia de crédito adecuado e suficiente non momento da resolución de concesión (artigo 25 RSG), isto é, no momento da sinatura do convenio.

2.2. No suposto de que a federación presente unha renuncia expresa por imposibilidade de realización dalgunha actividade recollida no programa "Proxectos de especial relevancia" dará lugar á perda de dereito ou reintegro da cantidade asignada, a non ser que a federación solicite a realización doutra actividade de características similares e lle sexa expresamente concedida pola Secretaría Xeral para o Deporte, en cuxo caso se mantería a contía da subvención.

### **Terceira.- Concorrencia con outras axudas.**

A presente subvención é compatible con outras subvencións e axudas, públicas ou privadas, que poida acadar a federación para a realización das actuacións obxecto deste convenio sempre que a suma de todas as subvencións e axudas non superen os gastos asumidos pola federación con motivo das ditas actuacións.

### **Cuarta.- Obrigas da federación.**

4.1. Xunto ás obrigas legais que se deriven dos ámbitos materiais das subvencións, contratación e calquera outros que lles sexan de aplicación, así como as demais establecidas no convenio, son obrigas da federación o cumprimento dos seus termos, así como da normativa reguladora de subvencións, particularmente o establecido no artigo 11 da Lei 9/2007 do 13 de xuño, de subvencións de Galicia e nos artigos correspondentes do Decreto 11/2009, do 8 de xaneiro, polo que se aproba o seu regulamento.

4.2. Para a sinatura, seguimento e control do convenio, é requisito indispensable a presentación da documentación que se especifica no seguinte apartado, por medios electrónicos a través do formulario normalizado dispoñible na sede electrónica da Xunta de Galicia (<https://sede.xunta.gal>), para o procedemento PR954A, Convenios coas federacións deportivas galegas para a realización de programas de promoción e desenvolvemento.

Se a persoa representante da federación presenta a súa solicitude presencialmente, requiriráselle que a emende a través da súa presentación electrónica. Para estes efectos, considerarase como data de presentación da solicitude aquela en que fose realizada a emenda.

Para a presentación da documentación poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.es/chave365>).

A achega da documentación precisada establécese conforme a Resolución do 26 de xaneiro de 2018 pola que se establece o formulario de presentación de documentación do procedemento dos convenios de colaboración entre a Secretaría Xeral para o Deporte e as federacións deportivas galegas para a realización dos programas de promoción e desenvolvemento das súas modalidades deportivas.

4.3. Documentación que se debe presentar:

- a) **Anexo I.-** Documento de solicitude para a firma do convenio, onde se atopa recollido, entre outros datos, o seguinte:
- Declaración doutras subvencións ou axudas concedidas ou solicitadas para a mesma finalidade, procedentes de calquera outra administración ou de entes públicos, ou privados, nacionais, da UE, ou doutros organismos internacionais.
  - Declaración de non atoparse incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.
  - Declaración de non atoparse incurso en ningunha das causas de prohibición para obter a condición de beneficiario recollidas no artigo 10 da Lei 9/2007, do 13 de xuño, de subvencións de Galicia e demais normativas concordantes.
  - Declaración de estar ao día no pagamento de obrigas por reintegro de subvencións, conforme ao artigo 10.2.g da Lei 9/2007, do 13 de xuño, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro.
  - Declaración de estar cumprindo coa Resolución do 8 de setembro de 2009, da Secretaría Xeral para o Deporte, pola que se ditan as Normas de bo goberno das federacións deportivas de Galicia.
  - Certificación de estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, de transparencia, acceso á información pública e bo goberno e na Lei 1/2016, do 18 de xaneiro, de transparencia e bo goberno, a través da



- inclusión na web federativa da totalidade de información segundo o **anexo VI** reflectido neste convenio.
- Declaración de que todas as persoas vinculadas á federación con motivo do desenvolvemento do programa de fomento e promoción da modalidade deportiva no ano 2024 que estean en contacto con menores, están en posesión do certificado negativo do Rexistro Central de Delincuentes Sexuais (en cumprimento do artigo 13 da Lei Orgánica 1/1996, do 15 de xaneiro, de protección xurídica do menor, modificada pola Lei 26/2015, do 28 de xullo, de modificación do sistema de protección á infancia e á adolescencia).
  - Declaración de adhesión ao manifesto pola igualdade no deporte asinado entre a Secretaría Xeral para o Deporte e a Secretaría Xeral de Igualdade.
  - Declaración responsable dos datos da conta bancaria onde se efectuarán os pagamentos.
  - Xunto co anexo I da solicitude, deberase achegar a información da situación contable da federación a 31 de decembro do 2023, segundo o modelo do **anexo VII**. Asemade, no suposto de que a situación contable presente un saldo negativo, deberase de achegar un plan de viabilidade segundo o **anexo VIII**.

No caso de que as persoas interesadas se opoñan a súa consulta deberán achegar os seguintes documentos:

- DNI ou NIE da persoa representante.
  - NIF da entidade.
  - Certificado de estar ao corrente do cumprimento das obrigas tributarias coa AEAT.
  - Certificado de estar ao corrente do cumprimento das obrigas fronte á Seguridade Social.
  - Certificado de non ter pendente de pago ningunha outra débeda coa Administración Pública da Comunidade Autónoma.
- b) Anexo II.- Relación inventariada do material deportivo da federación, indicando o seu uso, estado de conservación e localización. Relación inventariada do material da instalación, indicando o seu estado de conservación.
- c) Un plan director da Instalación onde se contemplan polo menos os seguintes contidos:
- Persoal contratado, horario e funcións que debe desempeñar.
  - Características funcionais da instalación: Espazos, usos e normativas.
  - Inventario de material.
  - Regulamento de réxime interno.
  - Usuarios: colectivos de usuarios, rexistro e estatísticas.
  - Programación anual.
  - Orzamento anual (actividade de mantemento, conservación e funcionamento do complexo).
- d) Anexo III.- Relación de documentos e declaracións para o cobro do 2º anticipo.
- e) Anexo IV.- Relación clasificada dos gastos e investimentos das actividades e da instalación.
- f) Anexo V.- Relación de documentos e declaracións para a xustificación do segundo pago.
- g) Anexo VI.- Certificación das obrigas de transparencia.
- h) Facturas do gasto incorrido, así como os documentos bancarios acreditativos do seu pago.
- i) Memoria económica explicativa de cada un dos gastos presentados relacionándoos coas actividades deportivas realizadas.

- j) Acreditación do cumprimento de publicidade do financiamento da Federación a través de fondos públicos, mediante unha declaración adecuada que diga "*Financiado pola Xunta de Galicia-Secretaría Xeral para o Deporte, a través do Convenio de colaboración coas federacións deportivas galegas para a realización do programa de promoción e desenvolvemento da súa modalidade deportiva para o ano 2024*", e da aplicación pública da imaxe corporativa da Xunta de Galicia-Vicepresidencia Primeira e Consellería de Presidencia, Xustiza e Deporte e da Secretaría Xeral para o Deporte a través do logotipo Deporte Galego, mediante a presentación da documentación gráfica correspondente.

4.4. Con carácter posterior á firma do convenio, a federación estará suxeita as seguintes obrigas:

4.4.1. Obrigas de carácter xeral

- a) Facilitar toda a información que lle sexa requirida e someterse ás actuacións de comprobación da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, así como facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións. Así mesmo, e de acordo co previsto na Lei 6/1985, do 24 de xuño, do Consello de Contas de Galicia, modificada pola Lei 8/2015, do 7 de agosto, e do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, para a prevención da corrupción. A federación queda sometida aos procedementos de fiscalización que leven a cabo o Consello de Contas de Galicia e, se fose o caso, e segundo o previsto na Lei orgánica 2/1982, do 12 de maio, do Tribunal de Contas, aos procedementos de axuizamento contable que poida incoar o Tribunal de Contas, e a calquera outro órgano de control nacional ou europeo.
- b) Comunicarlle ao órgano concedente a modificación de calquera das circunstancias tanto obxectiva como subxectiva que afectase a algún dos requisitos ou parámetros tidos en conta na valoración do proxecto presentado con motivo da elaboración do convenio, especialmente ao concernente os datos introducidos na aplicación <http://fedgalicia.com>.
- c) Conservar os documentos xustificativos da aplicación dos fondos recibidos, incluídos os documentos electrónicos, para o efecto das actuacións de comprobación e control.
- d) Dispoñer do libro de contabilidade establecido no artigo 43 da Lei 3/2012, do 2 de abril.
- e) Asegurar a presenza da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, en termos de presentación e comunicación das actuacións federativas e publicitarias:
- Garantir a presenza institucional da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, en todas as actuacións de presentación e comunicación das actuacións federativas de carácter oficial e Incluir a identidade corporativa da Vicepresidencia Primeira e Consellería de Presidencia, Xustiza e Deportes e do logotipo Deporte Galego en toda a publicidade que realice a federación, sexa por cartelaría, a través dos medios de comunicación ou calquera outro soporte utilizado, incluída internet para a difusión da súa actividade, facendo fincapé na colaboración da Vicepresidencia Primeira e Consellería de Presidencia, Xustiza e Deportes, segundo o manual de identidade corporativa da Xunta de Galicia. A estes efectos, xunto a imaxe corporativa deberá incluír a lenda especificada no apartado i) da cláusula 4.3.  
Do mesmo xeito, a federación deportiva deberá responsabilizarse da presenza institucional e publicitaria nos diferentes eventos do seu calendario, independentemente da delegación da



- organización destes noutra entidade deportiva, empresa privada ou calquera outro posible organizador.
- Incluir na súa páxina web un enlace á web da Secretaría Xeral para o Deporte.
  - Incluir nas tarxetas ou licenzas federativas, expedidas con posterioridade á firma do convenio, a imaxe corporativa da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, e facer constar nelas que o seguro de accidente deportivo é por conta da secretaria xeral, no caso de que a federación estea adherida á póliza do programa XOGADE para as persoas deportistas federadas de 6 a 16 anos.
  - Nos campionatos de España nas categorías en idade escolar convocados polo Consello Superior de Deportes así como nos eventos deportivos de carácter nacional e internacional, os deportistas integrantes das seleccións autonómicas deberán utilizar o equipamento (de xogo e paseo) atendendo ao manual corporativo da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte.
- f) Presentar, antes do 30 de xullo do 2024, no Rexistro de Entidades Deportivas, as contas anuais da federación formadas polo balance de situación, a conta de resultados e a memoria económica, así como a memoria descritiva das actividades realizadas no exercicio económico 2023 (artigo 37 do Decreto 85/2014, do 3 de xullo, polo que se aproba o Regulamento do Rexistro de Entidades Deportivas).
- g) Subministrarlle á Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, en virtude do disposto no artigo 4 da Lei 1/2016, do 18 de xaneiro, logo do requirimento, toda a información necesaria para o cumprimento pola Secretaría Xeral para o Deporte das obrigas previstas no Título I da citada lei.
- h) Transparencia.

Na páxina web da federación deberá de existir un apartado denominado "Transparencia" onde conste, polo menos, a seguinte información:

#### 1. Información institucional, organizativa e de planificación

- a) Funcións: As federacións deportivas galegas son entidades privadas sen ánimo de lucro que, xunto as funcións que lle son propias polo seu ámbito de actuación privada, exercen por delegación funcións públicas delegadas (art. 51.4 da Lei 3/2012, de 2 de abril, do deporte de Galicia). As funcións ás que se deberá dar publicidade son as que se especifican no art. 56 da Lei do Deporte de Galicia, e recollidas tamén nos respectivos Estatutos federativos
- b) Normativa aplicable:
- Lei 3/2012, de 2 de abril, do deporte de Galicia, ou norma que a substitúa.
  - Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, ou norma que a substitúa.
  - Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas, modificado polo Decreto 171/2021, do 23 de decembro.
  - Resolución do 8 de setembro de 2009, da Secretaría xeral para o Deporte, pola que se ditan as Normas de bo goberno das federacións deportivas de Galicia, ou ou norma que a substitúa.
  - Resto de normativa aplicable ás federacións deportivas que se aprobe, así como a propia de cada entidade (Estatutos, Regulamentos, etc.)

- c) Estrutura organizativa: Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos.

## 2. Información económica, orzamentaria e estatística

- a) Relación de contratos subscritos cunha Administración pública con indicación de: obxecto e duración; importe de licitación e adxudicación; procedemento de celebración; no seu caso, instrumentos a través dos cales se publicitou; número de licitadores no procedemento; identidade do adxudicatario; no seu caso, modificacións do contrato, decisións de desistimento e renuncia dos contratos; e, finalmente, porcentaxe total do contrato sobre o orzamento total da federación.
- b) Se os contratos tiveran unha duración inferior a un ano e os seus importes foran inferiores a 40.000 euros, cando se trate de contratos de obras, ou a 15.000 euros cando se trate doutros contratos, a información poderá cumprimentarse trimestralmente.
- c) Relación de convenios subscritos cunha Administración Pública, indicándose: partes asinantes, obxecto e duración, modificacións realizadas, partes obrigadas á realización das prestacións e, no seu caso, obrigas económicas convidadas.
- d) Neste apartado informarase tamén das subcontratacións que se realicen con mención dos adxudicatarios, procedemento seguido para a adxudicación e importe da mesma.
- e) Subvencións e axudas concedidas pola entidade ou recibidas dunha Administración pública, con indicación do seu importe, obxectivo ou finalidade, e beneficiarios.
- f) Orzamentos federativos, con descrición das principais partidas e información actualizada e comprensible sobre o seu estado de execución.
- g) Contas anuais aprobadas pola Asemblea, informes de auditoría de contas, e informes de fiscalización complementarios que existan.
- h) Retribucións anuais (soldos e dietas), de xeito individualizado, dos máximos responsables federativos: Presidente/a, Secretario/a, Xerente, Tesoureiro/a, Director/a Técnico/a e demais membros dos órganos da federación que perciban retribucións. Igualmente, faranse públicas as indemnizacións percibidas, no seu caso, con ocasión do abandono do cargo.

### 4.4.2. Obrigas de carácter específico

- a) Executar o reflectido na ficha I de reparto orzamentario por programas.
- b) Comunicarlle á Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, no prazo máximo de 5 días contados desde a obtención do resultado, os campións galegos e demais resultados importantes en competicións nacionais e internacionais acadados por deportistas con licenza federativa galega, así como calquera outro considerado de especial relevancia.
- c) Incrementar a práctica da súa modalidade deportiva no ámbito da nosa Comunidade Autónoma, así como promover o incremento de clubs adscritos á federación e de licencias deportivas desta.





- d) Velar pola igualdade efectiva entre mulleres e homes así como cumprir o establecido na Lei 19/2007, do 11 de xullo, contra a violencia, o racismo, a xenofobia e a intolerancia no deporte. En consecuencia, os premios que conceda a federación ás persoas deportistas seranlles outorgados en condicións de igualdade por razón de xénero, e non poderá incluírse nos calendarios oficiais probas ou competicións nos que non se garanta a referida igualdade.
- e) Promover o incremento da participación daquel xénero cuxa práctica sexa minoritaria dentro da práctica deportiva desta federación.
- f) Colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da Lei 3/2012, do 3 de abril.
- g) Posibilitar a participación inclusiva de todas as persoas deportistas independentemente da súa raza, inclinación sexual, ideoloxía, sexo, discapacidade, relixión e nivel de rendemento, con especial atención nas actuacións correspondentes ao programa de deporte en idade escolar.
- h) Incrementar o nivel deportivo dos deportistas galegos e os seus resultados de participación en competicións nacionais e internacionais, mediante a posta en marcha de plans de tecnificación necesarios para tal fin e adaptados ás necesidades dos nosos deportistas.
- i) A participación dos equipos e deportistas da federación nas diferentes competicións e concentracións nacionais convocadas pola federación española.
- j) A realización dos campionatos galegos e competicións de ámbito autonómico que garanten a práctica da modalidade deportiva, tendo especial interese naquelas competicións de categorías inferiores encamiñadas ás persoas deportistas en idade escolar. Os campionatos galegos, copas de Galicia e similares, denominaranse "Campionato Xunta de Galicia" e **neles garantirase que os trofeos sexan entregados pola máxima autoridade representada por la Xunta no recinto do evento.**
- k) Velar polo cumprimento das normas fixadas polas autoridades en materia de prevención e loita contra a dopaxe no deporte.
- l) Velar polo cumprimento das normas fixadas polas autoridades en materia de loita contra a violencia no deporte.
- m) Cumprir co establecido na Lei Orgánica 8/2021, do 4 de xuño, de protección integral á infancia e á adolescencia fronte á violencia.
- n) Velar polo cumprimento por parte das entidades deportivas afiliadas á federación, das obrigas establecidas con motivo da lexislación relativa á protección xurídica do menor e ao sistema de protección da infancia e adolescencia.
- o) Fomentar a posta en práctica de medidas encamiñadas á prevención de accidentes deportivos con especial atención á poboación en idade escolar.
- p) Garantir os dereitos lingüísticos de todas as persoas, empregando o galego e o castelán nas súas comunicacións.
- q) Comunicarlle á Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, a intención de solicitar calquera competición de carácter nacional ou internacional, así como as datas e sedes de celebración dos campionatos galegos e outros eventos de relevancia, con polo menos dúas semanas de antelación, incluíndo **as**

**presentacións**, os actos públicos e de comunicación relativos á súa presentación, garantindo a presenza institucional nestes eventos, a través da oportuna comunicación á Secretaría Xeral para o Deporte.

- r) A utilización pola Federación Deportiva Galega de Piragüismo do Complexo Náutico e Campo de Regatas para o cumprimento do obxecto deste convenio non impedirá o uso das instalacións que poida autorizar a Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, a entidades ou clubs deportivos.

#### 4.4.3. Medios humanos e materiais

A Federación Galega de Piragüismo queda obrigada a facilitar os medios humanos, materiais e técnicos, así como a loxística necesaria para o desenvolvemento das actividades que constitúen o obxecto deste convenio. Consecuentemente, o persoal da federación que realice as actividades derivadas deste convenio non terá relación de carácter laboral ou administrativa coa Vicepresidencia Primeira e Consellería de Presidencia, Xustiza e Deportes.

Neste sentido, a Federación Galega de Piragüismo, exercerá respecto ao persoal ao seu cargo, os poderes de dirección e control. Do mesmo xeito, a citada entidade queda obrigada a cumprir, baixo a súa responsabilidade, todas as disposicións vixentes en materia laboral, de seguridade social e de seguridade e hixiene no traballo.

#### **Quinta.- Pagamento.**

O artigo 63 do Decreto 11/2009, do 8 de xaneiro, prevé achegas anticipadas como financiamento necesario para poder levar a cabo as actuacións inherentes á subvención. O pagamento da presente subvención realizarase da seguinte forma:

- Un primeiro pagamento, de ata un máximo do noventa por cento (90%) da contía total da subvención, tramitarase no momento da sinatura do convenio previa solicitude por parte da federación. A federación remitirá a Ficha I na que determinará o importe do anticipo solicitado xustificando, no suposto de que se solicite o 90%, a súa necesidade para a viabilidade do obxecto do Convenio.
- Un segundo, equivalente ao tanto por cento restante, librarase unha vez xustificado o primeiro anticipo.

Calquera modificación da contía asinada aplicarase despois de ter percibido o primeiro anticipo e será incluída na xustificación do segundo pago.

Non procede a constitución de garantías con base no disposto no artigo 65.4, apartado f), do Decreto 11/2009, do 8 de xaneiro, que exime da obriga de constituír garantías aos beneficiarios de subvencións con cargo aos créditos orzamentarios correspondentes ao capítulo IV, Transferencias correntes, destinadas a familias e institucións sen fins de lucro (entre os que se inclúen ás federacións deportivas, de conformidade co establecido no artigo 51.1 da Lei 3/2012, do 2 de abril, do deporte de Galicia).

#### **Sexta.- Xustificación da subvención.**

##### 6.1. Prazos de xustificación.

De acordo co artigo 45 do Decreto 11/2009, do 8 de xaneiro, a federación deberá presentar ante a Secretaría Xeral para o Deporte a xustificación dos pagamentos nos prazos fixados a continuación:

- a) A xustificación do 50% do importe do convenio ata o 31 de xullo de 2024. No suposto de que o primeiro pagamento sexa inferior a ese 50%, o importe da xustificación corresponderase co importe do anticipo recibido.
- b) A xustificación da porcentaxe restante do importe total do convenio, ata o 28 de decembro de 2024.

Se transcorresen estes prazos sen que a federación presentase a xustificación correspondente na Secretaría Xeral para o Deporte, requiriráselle para que no prazo improrrogable de dez días a achegue. A falta de presentación da xustificación neste prazo levará a apertura dun expediente de perda do dereito ao cobro total ou parcial da subvención, a esixencia de reintegro e demais responsabilidades establecidas na Lei 9/2007, do 13 de xuño.

## 6.2. Documentación que se debe entregar.

6.2.1. Na xustificación a presentar ata o 31 de xullo, a federación deberá presentar a seguinte documentación:

- a) Anexo II.- Relación inventariada do material deportivo da federación e da instalación, indicando o seu uso, estado de conservación e localización.
- b) Anexo III.- Relación de documentos e declaracións para o cobro do segundo anticipo no seu caso.
- c) Anexo IV.- Relación clasificada da totalidade dos gastos realizados, conforme ao reparto orzamentario por programas recollido neste convenio.
- d) Facturas, con xustificación bancaria de que os pagamentos estean realizados cos requisitos esixidos no artigo 42.2 do Decreto 11/2009, do 8 de xaneiro. Para os efectos da súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados. As facturas, salvo as correspondentes a gastos xerais, deberán facer referencia ao programa concreto ao que se atribúe o gasto segundo o establecido na ficha I deste convenio referida ao reparto orzamentario por programa.
- e) Memoria económica explicativa dos gastos presentados nesta xustificación relacionándoos coas actividades deportivas realizadas.
- f) Acreditación do cumprimento da aplicación pública da imaxe corporativa da Vicepresidencia Primeira e Consellería de Presidencia, Xustiza e Deportes mediante a achega dos documentos gráficos nos que quede constancia, de conformidade co previsto nas cláusulas 4.3 e 4.4.
- g) Anexo VI

6.2.2. Na xustificación do segundo pagamento, ata o 28 de decembro, a federación deberá presentar a seguinte documentación:

- a) Anexo IV.- Relación clasificada da totalidade dos gastos realizados, conforme ao reparto orzamentario por programas recollido neste convenio.
- b) Anexo V.- Relación de documentos e declaracións para a xustificación do segundo pago.
- c) Facturas, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia. Para os efectos da súa

consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados. As facturas, salvo as correspondentes a gastos xerais, deberán facer referencia ao programa concreto ao que se lle atribúe o gasto segundo o establecido na ficha I deste convenio referido ao reparto orzamentario.

- d) Memoria económica explicativa dos gastos presentados nesta xustificación relacionándoos coas actividades deportivas realizadas.
- e) Acreditación do cumprimento da aplicación pública da imaxe corporativa da Vicepresidencia Primeira e Consellería de Presidencia, Xustiza e Deportes, mediante a achega dos documentos gráficos nos que quede constancia, de conformidade co previsto nas cláusulas 4.3 e 4.4.
- f) Anexo VI

6.3. De conformidade co establecido no artigo 42.3 do Decreto 11/2009, do 8 de xaneiro, para o caso de importes inferiores a 1.000 €, as facturas orixinais, ou fotocopias compulsadas, e as xustificacións bancarias, poderán ser substituídas polos recibín do correspondente provedor. Esta posibilidade de xustificación por recibín queda limitada, en todo caso, aos ámbitos dos arbitrxes, axudas de custo e quilometraxes.

6.4. No caso de facturas que superen o importe de 9.000 € deberán achegarse polo menos tres orzamentos de tres empresas diferentes, salvo que polas súas especiais características non exista no mercado suficiente número de entidades que realicen as actividades obxecto do gasto ou salvo que o gasto se realizase con anterioridade á sinatura do convenio. Os orzamentos deberán solicitarse e estar datados con anterioridade á contratación levada a cabo pola federación. A elección entre as ofertas presentadas, que deberán achegarse na xustificación, realizarase conforme a criterios de eficiencia e economía, debendo xustificarse expresamente nunha memoria a elección cando non recaia na proposta económica máis vantaxosa..

6.5. De conformidade co artigo 8.2 da Lei de subvencións de Galicia, a federación poderá delegar nun club deportivo a organización total o parcial dunha actividade deportiva ou competitiva, en cuxo caso este último terá igualmente a consideración de beneficiario. A xustificación económica das actividades realizadas polos clubs efectuarase a través da federación na que se integren. A federación, para xustificar os gastos nos que incorra o club, deberá achegar a seguinte documentación:

1. Convenio de colaboración co club no que conste expresamente que este último actúa por conta e representación da federación, para os efectos da subvención, e no que se concrete a actividade a desenvolver polo club.
2. Acreditación de que o club reúne os requisitos previstos polo artigo 10 da Lei de subvencións de Galicia.
3. Memoria asinada polo representante legal do club detallando todas as actividades realizadas e o custo de cada unha delas, acompañada das correspondentes facturas así como dos xustificantes bancarios dos pagamentos feitos polo club para a realización da actividade conveniada.
4. No caso de facturas que superen o importe de 9.000 € será de aplicación a previsión da cláusula 6.4 para os gastos no que incorra o club.

6.6. Os gastos consistentes en custos laborais, empregados na xustificación desta subvención, quedan suxeitos ás seguintes regras:

- a) Entenderase exclusivamente por custos laborais os consistentes nas remuneracións realizadas aos traballadores da federación e as súas correspondentes cotizacións obrigatorias á Seguridade Social e á Facenda Pública (IRPF), así como as cotizacións sociais correspondentes á federación .

- b) Os custos laborais unicamente poderán imputarse como xustificación nos seguintes programas e coas seguintes limitacións:
- No programa de Gastos xerais de funcionamento: os correspondentes a persoal administrativo, de limpeza, mantemento, conserxería ou similar.
  - No programa de Tecnificación no Centro Galego de Tecnificación Deportiva (CGTD) os correspondentes a persoal técnico ou adestrador con contrato a xornada completa. A xustificación deberá ir acompañada do contrato, nóminas e xustificación bancaria de pago.
  - Nos programas de Actividade deportiva ordinaria e París 2024, de ser o caso, os custos laborais correspondentes a persoal técnico, adestrador e outros profesionais de apoio que axuden á mellora do rendemento deportivo das persoas deportistas deste programa (fisioterapeuta, psicólogo, masaxista, nutricionista, etc) previamente asinados a cada programa.
  - No programa da instalación do Complexo Náutico e Campo de Regatas David Cal en Verducido, Pontillón do Castro – Pontevedra.
- c) A xustificación dos custos laborais necesariamente está condicionada ás declaracións da persoa representante de que as persoas traballadoras cuxos custos laborais se imputan á subvención son persoal laboral federativo durante o período comprendido polo presente convenio e á non discriminación retributiva entre homes e mulleres, no caso de que a federación teña en equivalentes niveis laborais traballadoras e traballadores.

#### 6.7. Gastos por desprazamento, manutención e aloxamento.

- a) Os importes máximos subvencionables por gastos de manutención, aloxamento e desprazamento, sen prexuízo de que se lles aboen ás persoas traballadoras os importes previstos na regulación que lles sexa de aplicación, serán os previstos no Decreto 144/2001, do 7 de xuño, sobre indemnizacións por razón do servizo ao persoal con destino na Administración Autonómica de Galicia para o grupo II, modificado por varios decretos posteriores (96/2011, do 5 de maio, e 144/2008, do 26 de xuño), establecendo:
- Manutención completa: 44,09 €
  - Media manutención: 22,04 €
  - Aloxamento: 77,78 €
  - Quilometraxe en vehículo particular: 0,26 € / km
- b) Cando se presenten facturas que excedan destas cantidades, soamente será xustificable o importe establecido no decreto citado anteriormente.
- c) Para a xustificación de gastos de aloxamento, peaxes e aparcadoiro é preciso presentar as facturas xustificativas do gasto cos seus correspondentes xustificantes de pagamento.
- d) A xustificación farase coas correspondentes axudas de custo, facturas, facturas simplificadas e billetes de transporte, e incluírá en todo caso, o motivo e o lugar ao que se viaxa, o intervalo de datas no que se produciu a viaxe e a relación das persoas que viaxan e a súa función. No caso de ser xestionado por unha axencia de viaxes deberá presentarse ademais a factura detallada dos servizos prestados e o documento acreditativo do seu pagamento.

#### 6.8. Gastos asociados ao uso de vehículos federativos.

- a) No caso de que se imputen gastos de vehículos federativos (seguros, mantemento, reparacións, combustible, peaxes, aparcadoiros...) a federación deberá achegar con cada xustificación, na memoria económica explicativa, a relación todos os vehículos federativos, detallando a que

programas se imputarán os seus gastos. Se estes gastos son imputados a máis dun programa debe indicar que porcentaxe de imputación corresponde a cada un

- b) No caso dos gastos de combustible, na factura deberá figurar a matrícula do vehículo federativo. Se para os pagamentos se utilizan tarxetas de combustible, estas deberán ir vinculadas a un vehículo federativo, non a persoas concretas. No caso de facer os pagamentos con tarxetas bancarias federativas vinculadas a unha persoa concreta, a xustificación debe vir acompañada dunha certificación asinada polo secretario co visto e prace do presidente onde se relacionen as tarxetas de crédito vinculadas a contas da federación e os seus usuarios. Ademais, para cada desprazamento pagado deste xeito, deberá achegar unha certificación onde se especifique claramente cal é o motivo e o lugar ao que se viaxa, o intervalo de datas no que se produciu a viaxe e a relación das persoas que viaxan e a súa función, xunto coas correspondentes facturas e os seus pagamentos.

#### 6.9. Para pagos realizados con tarxetas.

Se os pagamentos das facturas xustificativas da subvención se realizan cunha tarxeta bancaria vinculada a unha conta da entidade beneficiaria, deberase de aportar comprobante de pago coa tarxeta xunto coa documentación bancaria do cargo realizado. De tratarse de gastos vinculados a desprazamentos, manutención e aloxamento, deberase achegar unha certificación da federación onde se especifique claramente no caso de desprazamentos, o lugar de destino, o motivo e o lugar ao que se viaxa, o intervalo de datas no que se produciu a viaxe e a relación das persoas que viaxan e a súa función, xunto coas correspondentes facturas e os seus pagamentos.

6.10. Os documentos xustificativos de gastos e pagamentos deberán de estar datados no período comprendido entre o 1 de xaneiro e o 28 de decembro do 2024.

Non obstante, segundo o establecido no artigo 29.2 da Lei 9/2007, do 13 de xuño, a acreditación do gasto relativo ás nóminas, ás cotizacións obrigatorias á Seguridade Social e retencións do IRPF correspondentes ao cuarto trimestre realizarase mediante a presentación da documentación xustificativa da súa realización e que respondan á natureza da actividade subvencionada. En consecuencia, para que estes gastos teñan a consideración de subvencionables non será preciso a acreditación do pagamento previo por parte de beneficiario.

En relación aos gastos relativos a nóminas, cotizacións á seguridade Social e retencións do IRPF correspondentes ao cuarto trimestre, aos que fai referencia o parágrafo anterior, o beneficiario está obrigado a acreditar o efectivo pagamento de ditos gastos con anterioridade ao 15 de febreiro do 2025. O incumprimento desta obriga dará lugar ao reintegro parcial da subvención. No caso de que o importe de subvención percibida polo beneficiario por aqueles conceptos sexa superior aos pagamentos efectivamente acreditados, procederá igualmente o reintegro parcial. No caso de que o importe de subvención percibida polo beneficiario por aqueles conceptos sexa inferior aos pagamentos efectivamente acreditados, a diferenza será a conta do beneficiario.

#### **Sétima.- Gastos subvencionables.**

Terán a consideración de gastos subvencionables os seguintes, entendendo que a relación é meramente enunciativa e non limitativa:

##### 7.1. No programa **Gastos xerais de funcionamento:**

- a) As remuneracións do persoal da federación, e as súas correspondentes cotizacións obrigatorias á Seguridade Social e á Facenda Pública (IRPF), incluíndose nestes o persoal administrativo, de limpeza, mantemento, conserxería ou similar.

- b) Gastos de servizos profesionais independentes, entre outros: servizos de limpeza ou mantemento externos ou similar, asesoría xurídica, xestoría laboral, auditoría, protección de datos, sistema contable, sistemas de comunicación e difusión ou similar.
- c) Gastos de aloxamento, manutención e gastos de viaxe do persoal directivo pola asistencia a asembleas, reunións e comités técnicos ou similares. Non poderán incluírse neste apartado os desprazamentos ordinarios á sede federativa.
- d) Gastos da sede federativa: alugamento, pago de impostos, gastos de comunidade, consumos de explotación (auga, enerxía), material de oficina.
- e) Gastos derivados da adquisición de máscaras, luvas, xeles hidroalcohólicos, dispensadores de xel e outros produtos de limpeza e desinfección para a prevención da COVID-19.
- f) Reparacións e conservación: reparacións na sede, mantemento de equipos (servizos informáticos, fotocopiadora, fax).
- g) Os gastos derivados da utilización dos vehículos e outros medios de transporte federativos (alugueiro ou renting, seguros, mantemento, reparacións, combustible, peaxes, aparcadoiros...) que se imputen ao programa de gastos xerais.
- h) Comunicacións: páxina web, teléfono, internet, fax, mensaxería.
- i) Gastos bancarios: Gastos de póliza de créditos ponte.
- j) Seguros da sede, seguros de responsabilidade civil e outros seguros necesarios para levar a cabo o obxecto deste convenio

#### 7.2. No programa **Tecnificación e Rendemento no CGTD.**

- a) As remuneracións do persoal técnico asociado a este programa e as súas correspondentes cotizacións obrigatorias á Seguridade Social e á Facenda Pública (IRPF), incluíndose nestes as persoas adestradoras con contrato.
- b) Os gastos derivados da utilización dos vehículos e outros medios de transporte federativos (alugueiro ou renting, seguros, mantemento, reparacións, combustible, peaxes, aparcadoiros, ...) asociados este programa.
- c) Gastos en desprazamentos: recollen os gastos relativos ao transporte, manutención e aloxamento dos deportistas e adestradores incluídos neste programa derivados da asistencia a concentracións, adestramentos e competicións.
- d) Gastos derivados da adquisición de máscaras, luvas, etc. e gastos derivados da realización de test de detección da COVID-19.

#### 7.3. No programa **Campionatos de España en idade escolar por seleccións autonómicas (CESA) convocados polo Consejo Superior de Deportes (CSD)**

- a) Gastos do desprazamento para asistir aos Campionatos de España en idade escolar por seleccións autonómicas (CESA) convocados polo CSD: Recolle os gastos relativos ao transporte,

manutención e aloxamento dos deportistas, adestradores, oficiais e árbitros ou xuíces segundo a composición numérica e os criterios establecidos polo CSD nas *"Normas xerais de organización"*.

- b) Material deportivo (non inventariable) e roupa deportiva das persoas deportistas incluídas no programa.
- c) Gastos derivados da adquisición de máscaras, luvas, xeles hidroalcohólicos, doutros produtos de limpeza e hixiene, e gastos derivados da realización de test de detección da COVID-19

#### 7.4. Nos programas **Actividade deportiva ordinaria** e **París 2024**:

- a) As remuneracións do persoal técnico (asociado a cada un dos programas), e as súas correspondentes cotizacións obrigatorias á Seguridade Social e á Facenda Pública (IRPF), incluíndose nestes o director técnico, adestradores e outros profesionais de apoio que axuden á mellora do rendemento deportivo (fisioterapeuta, psicólogo, masaxista, nutricionista...).
- b) Alugueiro, mantemento, consumos auga, electricidade, gas, e alimentación dos deportistas e adestradores asociados a cada un destes programas.
- c) Gastos en desprazamentos: recollen os gastos relativos ao transporte, manutención e aloxamento dos deportistas e adestradores incluídos en cada programa derivados da asistencia a concentracións, adestramentos e competicións.
- d) Material deportivo (non inventariable) e roupa deportiva das persoas deportistas incluídas no programa.
- e) Gastos derivados da adquisición de máscaras, luvas, xeles hidroalcohólicos, dispensadores de xel e outros produtos de limpeza e desinfección, gastos derivados da realización de test de detección da COVID-19 e gastos derivados da implementación doutras medidas de seguridade e de prevención da COVID-19 (marcaxe de zonas, identificación de asentos, carteis de mensaxería, etc.) .
- f) Os gastos derivados da utilización dos vehículos e outros medios de transporte federativos (seguros, mantemento, reparacións, combustible, peaxes, aparcadoiros...) asociados a cada programa.
- g) Gastos derivados da prestación de servizos de persoal técnico ou docente no desenvolvemento de cursos formativos.
- h) No programa **París 2024**: os custes salariais (salarios, IRPF, Seguridade social) do adestrador responsable do grupo e os gastos derivados da actividade dos deportistas integrados neste programa.

#### 7.5. No programa **Actividade deportiva de promoción**, que inclúe actuacións en idade escolar, de promoción do xénero menos representado e de inclusión de deportistas con discapacidade:

- a) Gastos derivados da organización das actividades levadas a cabo en cada unha das actuacións: arbitrxes, alugueiro de instalacións ou material deportivo específico, material deportivo (non inventariable), ambulancias, publicidade, carteleira, trofeos, medallas, equipamento, sistemas de comunicación e difusión , ou outro material que se considere de necesidade para o seu desenvolvemento.



- b) Gastos derivados da adquisición de máscaras, luvas, xeles hidroalcohólicos, dispensadores de xel e outros produtos de limpeza e desinfección, e gastos derivados da implementación doutras medidas de seguridade e de prevención da COVID-19 (marcaxe de zonas, identificación de asentos, carteis de mensaxería, etc.) .
- c) Gastos derivados da prestación de servizos de persoal técnico ou docente no desenvolvemento das actividades.
- d) No caso de subscribir un convenio para a organización con outra entidade, teranse en conta os pagos derivados da delegación parcial ou total da organización, sempre que estean desagregados os conceptos de gastos e enténdanse estes concordantes co convenio asinado entre federación e a entidade así como cos gastos subvencionables aquí recollidos.

#### 7.6. No programa **Proxectos de especial relevancia:**

Gastos derivados da organización e execución do proxecto. Os importes asignados aos proxectos deste programa terán carácter finalista.

#### 7.7 No programa **Complexo Náutico e Campo de Regatas David Cal en Verducido, Pontillón do Castro – Pontevedra.**

As remuneracións do persoal da federación, e as súas correspondentes cotizacións obrigatorias á Seguridade Social e á Facenda Pública (IRPF), incluíndose nestes o persoal administrativo, de limpeza, mantemento, conserxería ou similar.

No referente aos custos laborais, poderase contemplar a documentación xustificativa de pagamentos realizados no mes de xaneiro de 2025, pero soamente cando este gasto corresponda a obrigas de custo do ano 2024.

Serán subvencionables os gastos correntes efectuados entre 1 xaneiro de 2024 e o 31 de decembro de 2024 destinados ao pago dos gastos nos que incorra a federación derivados das actividades realizadas para o funcionamento, mantemento e conservación das instalacións do Complexo Náutico e Campo de Regatas David Cal en Verducido, Pontillón do Castro – Pontevedra.

#### **Oitava.- Gastos non subvencionables.**

8.1. Sen prexuízo do establecido na lexislación vixente, e no resto do clausulado do presente convenio, non son gastos subvencionables:

- a) Os xuros debedores das contas bancarias.
- b) Xuros, recargas e sancións administrativas e penais.
- c) Os gastos de procedementos xudiciais.
- d) Os impostos indirectos cando sexan susceptibles de recuperación ou compensación.
- e) Os impostos sobre a renda das persoas física e xurídicas.
- f) Gastos de relacións públicas e representación.
- g) Remuneración e cotización do presidente da federación.

- h) Material de publicidade e propaganda propios da federación.
- i) Premios en metálico ou obsequios a deportistas ou outros membros da federación.
- j) Publicacións propias (anuario, revistas...).
- k) Compra de bens destinados á venda.
- l) Outros gastos sociais.
- m) Atencións persoais.
- n) Gastos en galas ou celebracións.
- o) Indemnizacións causadas pola extinción ou supresión dunha relación laboral, nos importes previstos na normativa para os expedientes de regulación de emprego por causas económicas, técnicas, organizativas ou de produción.
- p) En relación coas axudas de custo, en ningún caso se poderán tramitar cando xa se tivesen cuberto os gastos de desprazamento, aloxamento e alimentación. Tampouco serán gastos subvencionables as axudas de custo emitidas ás persoas asembleístas con motivo da asistencia ás asembleas da federación nin desprazamentos ordinarios á sede federativa dos membros da xunta directiva.
- q) Axudas ou compensacións a todas aquelas persoas sancionadas en firme en materia de dopaxe.
- r) Os billetes emitidos e non utilizados.
- s) Gastos extras de hotel. Teñen esta consideración os gastos de bar, minibar, televisión e calquera outro que non se inclúa expresamente. Non serán considerados gastos extras de hotel os suplementos das salas de reunións, alimentación ou de lavandería, sempre e cando se facturen a nome da federación.
- t) Imposto sobre sociedades.
- u) Diñeiro en metálico a conta.

8.2. Ademais dos indicados anteriormente, quedan excluídos da posibilidade de subvención con fondos procedentes da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, salvo motivación escrita da federación e posteriormente autorizada pola secretaría, os seguintes gastos:

- a) Axudas económicas a deportistas. Poderase excepcionar aquelas autorizadas pola Secretaría Xeral para o Deporte previa solicitude e entrega por parte da federación do obxecto da axuda así como dos criterios e baremos aplicables para a súa concesión. Estas bolsas deberán ser de igual contía e natureza para homes que para mulleres nos mesmos niveis deportivos.
- b) Axudas económicas a entidades. Poderase excepcionar aquelas autorizadas pola Secretaría Xeral para o Deporte previa solicitude e entrega por parte da federación do obxecto da axuda así como dos criterios e baremos aplicables para a súa concesión.

#### **Novena.- Comisión de seguimento e interpretación.**

Para o seguimento do grao de execución do convenio e a proposta de solución de controversias que a súa interpretación poida motivar, créase unha comisión integrada polos seguintes representantes:

- Tres representantes da Secretaría Xeral para o Deporte, designados pola Vicepresidencia Primeira e Consellería de Presidencia, Xustiza e Deportes.
- Dous representantes da federación galega.

Non obstante, as incidencias que se poidan formular en relación coa concesión, xustificación e reintegro da presente subvención deberán ser resoltas pola Vicepresidencia Primeira e Consellería de Presidencia, Xustiza e Deportes como órgano competente para a concesión da subvención, de acordo co artigo 7 da Lei 9/2007, do 13 de xuño.

Así mesmo, corresponderá á Comisión de seguimento o estudo das posibles modificacións do convenio propostas polas partes, que se formalizarán a través das correspondentes addendas.

#### **Décima.- Vixencia do convenio e causas de resolución .**

A vixencia deste convenio estenderase dende o día seguinte ao da súa sinatura ata o 31 de decembro de 2024, salvo denuncia expresa de calquera das partes. Non obstante esta vixencia, enténdense amparados polo presente convenio todos os gastos referidos dende o día 1 de xaneiro de 2024 ata o 28 de decembro do mesmo ano.

Son causas de resolución do convenio:

- a) O transcurso do prazo de vixencia do convenio sen se ter acordado a súa prórroga.
- b) O acordo unánime de todos os asinantes.
- c) O incumprimento das obrigas e compromisos asumidos por parte dalgún dos asinantes.  
Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigas ou compromisos que se consideran incumpridos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes.  
Se, transcorrido o prazo indicado no requirimento, persiste o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar á indemnización dos prexuízos causados se así se previsa.
- d) A imposibilidade de realización das actuacións descritas neste convenio por causas non imputables ás partes.
- e) Por decisión xudicial declaratoria da nulidade do convenio.
- f) Por calquera outra causa distinta das anteriores prevista no convenio ou noutras leis.

#### **Décimo primeira. Supostos de reintegro.**

No caso de que a federación incumprise o disposto neste convenio, a Vicepresidencia Primeira e Consellería de Presidencia, Xustiza e Deportes revogará total ou parcialmente a subvención concedida.

Procederá o reintegro total ou parcial das cantidades percibidas e as esixencias dos xuros de mora correspondentes, en aplicación do disposto nos artigos 33 e seguintes da Lei 9/2007, do 13 de xuño. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da Lei 9/2007, do 13 de xuño.

Ante a constatación do incumprimento do disposto neste convenio ou dalgunha obriga en concreto, previo requirimento por parte da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, convocarase á Comisión de seguimento aos efectos de que na mesma se realice o trámite de audiencia do interesado. Logo do trámite de audiencia determinarase o incumprimento e a cuantificación da revogación total ou parcial da subvención concedida. Nos supostos do incumprimento do disposto nos apartados 4.4.1.e) e 4.4.2.j) e q) fíxase entre un 1% e o 5% do importe total do convenio.

#### **Décimo segunda.- Notificacións**

13.1 As notificacións de resolucións e actos administrativos practícaranse só por medios electrónicos, nos termos previstos na normativa reguladora do procedemento administrativo común.

13.2 As notificacións electrónicas realizaranse mediante o Sistema de Notificación Electrónica de Galicia - Notifica dispoñible a través da sede electrónica da Xunta de Galicia (<https://sede.xunta.gal>). Este sistema remitiralles ás persoas interesadas avisos da posta á disposición das notificacións, mediante un correo electrónico dirixido á conta de correo que conste na solicitude para os efectos de notificación. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

13.3 As notificacións por medios electrónicos entenderanse practicadas no momento en que se produza o acceso ao seu contido. A notificación entenderase rexeitada cando transcorresen dez días naturais desde a posta á disposición da notificación sen que se acceda ao seu contido.

13.4 Se o envío da notificación electrónica non for posible por problemas técnicos practícarase a notificación polos demais medios previstos na normativa reguladora do procedemento administrativo común.

#### **Décimo terceira.- Publicidade e rexistro de axudas.**

O beneficiario da axuda coñece e consente a inclusión dos seus datos nos rexistros aos que, en virtude da normativa á que está sometido o convenio, deberá dársele publicidade a esta subvención, en concreto, nos rexistros regulados polo Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

A sinatura deste convenio leva implícito o consentimento expreso de todas as partes para ás obrigas de publicidade impostas pola Lei 1/2016, do 18 de xaneiro, de transparencia e bo goberno.

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no mesmo, poidan ser publicados no Portal da Transparencia e Goberno Aberto.

#### **Décimo cuarta.- Natureza do convenio, réxime xurídico e xurisdición aplicable.**

Este convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

Ao convenio seralle de aplicación a normativa administrativa de carácter xeral constituída basicamente pola Lei 38/2003, do 17 de novembro, xeral de subvencións, e o seu Regulamento, aprobado polo Real



Decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, e o seu Regulamento, aprobado polo Decreto 11/2009, do 8 de xaneiro. Ademais seralle de aplicación supletoriamente a Lei 39/2015, do 1 de outubro, do procedemento administrativo común das administracións públicas

Este convenio está suxeito ás obrigas de publicidade impostas pola Lei 1/2016, do 18 de xaneiro, e do artigo 20 da Lei 38/2003, do 17 de novembro, xeral de subvencións, e de rexistro na Base de Datos Nacional de Subvencións.

En proba de conformidade asínase o presente no lugar e data arriba indicados.

**O Vicepresidente Primeiro e Conselleiro  
de Presidencia, Xustiza e Deportes**

**O presidente da Federación Galega de  
Piragüismo**

**Diego Calvo Pouso**

**José Alfredo Bea García**

## Convenio coa Federación Galega de Piragüismo

### FICHA I

### ANUALIDADE 2024

### REPARTO ORZAMENTARIO

PROGRAMAS	IMPORTE
1.- Gastos xerais de funcionamento	100.093,00 €
2.- Tecnificación e rendemento:	321.000,00 €
a) Centro Galego de Tecnificación Deportiva (CGTD)	191.000,00 €
b) Núcleos de adestramento deportivo especializado	0,00 €
c) Centros de Tecnificación	130.000,00 €
3.- Campionatos de España convocados polo CSD por Seleccións Autonómicas en idade Escolar (CESA)	15.720,00 €
4.- Actividade deportiva ordinaria	85.347,00 €
5.- París 2024	15.000,00 €
6.- Actividade deportiva de promoción:	18.000,00 €
a) do deporte en idade escolar	
b) do xénero menos representado dentro da práctica deportiva da federación	
c) do deporte para deportistas con discapacidade	
7.- Proxectos de especial relevancia (PER)	10.000,00 €
Copa de España Promoción Slalom Olímpico, 3º Competición Jóvenes Promesas Slalom	1.000,00 €
Copa de España Slalom Olímpico, 1º Competición Liga Nacional de Slalom	1.000,00 €
Liga Nacional Kayak Polo, torneo 1ª División masculina e feminina	1.800,00 €
Liga Nacional Kayak Polo, torneo 2ª División masculina, Sub 21 e Sub 16	1.800,00 €
2ª Copa de España Pista Olímpica K-1 /C-1, Copa España de Sprint Olímpico	1.800,00 €
Campionato de España de Dragón 200m e 500m	600,00 €
Copa de España de Descenso Aguas Bravas Clásica e Sprint	2.000,00 €
<b>TOTAL</b>	<b>565.160,00 €</b>
Solicita un anticipo (máximo 90%) de	508.644,00 €

ANEXO I

PROCEDEMENTO	CÓDIGO DO PROCEDEMENTO	DOCUMENTO
CONVENIOS COAS FEDERACIÓNS DEPORTIVAS GALEGAS PARA A REALIZACIÓN DE PROGRAMAS DE PROMOCIÓN E DESENVOLVEMENTO	PR954A	SOLICITUDE

<b>DATOS DA ENTIDADE</b>					
RAZÓN SOCIAL					NIF
TIPO	NOME DA VÍA			NUM	BLOQ
PARROQUIA			LUGAR		
CÓDIGO POSTAL	PROVINCIA	CONCELLO	LOCALIDADE		
TELÉFONO	FAX	CORREO ELECTRÓNICO			

**E, NA SÚA REPRESENTACIÓN** (deberá acreditarse a representación fidedigna por calquera medio válido en dereito)

NOME/RAZÓN SOCIAL	PRIMEIRO APELIDO	SEGUNDO APELIDO	NIF

**DATOS PARA OS EFECTOS DE NOTIFICACIÓN**

Notifíquese a:	<input type="radio"/> Entidade solicitante <input type="radio"/> Persoa ou entidade representante
Todas as notificacións ás persoas interesadas realizaranse só por medios electrónicos a través do Sistema de Notificación Electrónica de Galicia - Notifica.gal, <a href="https://notifica.xunta.gal">https://notifica.xunta.gal</a> . Só se poderá acceder á notificación co certificado electrónico asociado ao NIF da persoa indicada. Enviaranse avisos da posta a disposición da notificación ao correo electrónico e/ou teléfono móbil facilitados a seguir:	
TELÉFONO MÓBIL	CORREO ELECTRÓNICO

**DATOS BANCARIOS**

Declaro baixo a miña responsabilidade que son certos os datos consignados relativos á conta bancaria indicada.

TITULAR DA CONTA	NÚMERO DA CONTA BANCARIA (24 DÍXITOS)
	IBAN

**A PERSOA REPRESENTANTE DECLARA:**

1. Que en relación con outras axudas concedidas ou solicitadas:

Non solicitou nin se lle concedeu ningunha outra axuda para este mesmo proxecto ou conceptos.

Si solicitou e/ou se lle concederon outras axudas para este mesmo proxecto ou conceptos para os que se solicita esta subvención, que son as que a continuación se relacionan:

ORGANISMO AO QUE SE LLE SOLICITA	CONCEDIDA	IMPORTE
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	

2. Que todos os datos contidos nesta solicitude e nos documentos que se axuntan son certos.

3. Non estar incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.

4. Non estar incurso en ningunha clase de inhabilitación para a obtención de axudas previstas nos apartados 2 e 3 do artigo 10 da Lei 9/2007, do 13 de xuño, de subvencións de Galicia.

5. Estar ao día no pago das obrigas por reintegro de subvencións, conforme ao artigo 10.2.g da Lei 9/2007, do 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro polo que se aproba o Regulamento da Lei 9/2007, de 13 de xuño, de subvencións de Galicia.

6. Estar cumprindo coa resolución do 8 de setembro de 2009, da Secretaría Xeral para o Deporte, pola que se ditan as Normas de bo goberno das federacións deportivas de Galicia.

7. Estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, de transparencia, acceso á información pública e bo goberno e na Lei 1/2016, do 18 de xaneiro, de transparencia e bo goberno.

8. Todas as persoas vinculadas á federación con motivo do desenvolvemento do programa de fomento e promoción da modalidade deportiva obxecto deste Convenio que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei Orgánica 1/1996 do 15 de xaneiro, de Protección xurídica do menor, modificado pola Lei 26/2015 do 28 de xullo, de modificación do sistema de protección á infancia e á adolescencia).

9. A adhesión ao manifesto pola igualdade no deporte asinado entre a Secretaría xeral para o Deporte e a Secretaría xeral de Igualdade.

10. No caso de presentar custos laborais que os traballadores cuxos custos laborais se imputan á subvención son persoal laboral federativo.

11. No caso de que a federación teña en equivalentes niveis laborais traballadoras e traballadores estes terán igualdade salarial.

**COMPROBACIÓN DE DATOS**

Os documentos relacionados serán obxecto de consulta ás administracións públicas.

• NIF da entidade solicitante

• DNI/NIE da persoa representante

• Certificado de estar ao día do pagamento de obrigas tributarias coa AEAT

• Certificado de estar ao día do pagamento coa Seguridade Social

• Certificado de estar ao día do pagamento de obrigas tributarias coa Atriga

**INFORMACIÓN BÁSICA SOBRE PROTECCIÓN DE DATOS PERSOAIS**

Responsable do tratamento	Xunta de Galicia. Consellería ou entidade á que se dirixe esta solicitude, escrito ou comunicación.
Finalidades do tratamento	A tramitación administrativa que se derive da xestión deste formulario e a actualización da información e contidos da Carpeta cidadá.
Lexitimación para o tratamento	O cumprimento dunha tarefa en interese público ou o exercicio de poderes públicos segundo a normativa recollida no formulario, na páxina <a href="https://www.xunta.gal/informacion-xeral-proteccion-datos">https://www.xunta.gal/informacion-xeral-proteccion-datos</a> e na ficha do procedemento na Guía de Procedementos e Servizos. Consentimento das persoas interesadas, cando corresponda.
Persoas destinatarias dos datos	As Administracións públicas no exercicio das súas competencias, cando sexa necesario para a tramitación e resolución dos seus procedementos ou para que as persoas interesadas poidan acceder de forma integral á información relativa a unha materia.
Exercicio de dereitos	As persoas interesadas poderán acceder, rectificar e suprimir os seus datos, así como exercitar outros dereitos a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común.
Contacto delegado de protección de datos e máis información	<a href="https://www.xunta.gal/proteccion-datos-persoais">https://www.xunta.gal/proteccion-datos-persoais</a>
Actualización normativa: No caso de existir diferentes referencias normativas en materia de protección de datos persoais neste procedemento, prevalecerán en todo caso aquelas relativas ao Regulamento Xeral de Protección de Datos.	

**LEXISLACIÓN APLICABLE**

Resolución do 28 de xaneiro de 2018 pola que se establece o formulario de presentación de documentación do procedemento para os convenios de colaboración entre a Secretaría Xeral para o Deporte e as federacións deportivas galegas para a realización dos programas de promoción e desenvolvemento das súas modalidades deportivas.

**SINATURA DA PERSOA REPRESENTANTE**

Lugar e data				
	,	de	de	

Secretaría Xeral para o Deporte







### ANEXO III

#### RELACIÓN DE DOCUMENTOS E DECLARACIÓNS PARA O COBRO DO 2º ANTICIPO

##### DATOS DA ENTIDADE

RAZÓN SOCIAL	NIF

##### E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME	PRIMEIRO APELIDO	SEGUNDO APELIDO	NIF

##### A PERSOA REPRESENTANTE SOLICITA

O cobro do 2º anticipo por importe de \_\_\_\_\_ €, equivalente ao \_\_\_\_ % restante do total do Convenio.

##### A PERSONA REPRESENTANTE DECLARA:

- Que a subvención total concedida con cargo ao Convenio asinado foi de \_\_\_\_\_ €
- Que no momento da sinatura do Convenio recibiu como 1º anticipo a cantidade de \_\_\_\_\_ €, equivalente ao \_\_\_\_ % do importe total.
- Que en relación con outras axudas concedidas ou solicitadas:
  - Non solicitou nin se lle concedeu ningunha outra axuda para este mesmo proxecto ou conceptos.
  - Si solicitou e/ou se lle concederon outras axudas para este mesmo proxecto ou conceptos para os que se solicita esta subvención, que son as que a continuación se relacionan:

ORGANISMO AO QUE SE LLE SOLICITA	CONCEDIDA	IMPORTE
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	
	<input type="checkbox"/> SI <input type="checkbox"/> NON	

- Que todos os datos contidos nesta solicitude e nos documentos que se achegan son certos.
- Que a entidade non está incurso en ningunha das circunstancias previstas no artigo 13 da Lei 38/2003, de 17 de novembro, xeral de subvencións.
- Que a entidade non está incurso en ningunha clase de inhabilitación para a obtención de axudas previstas nos apartados 2 e 3 do artigo 10 da Lei 9/2007, de 13 de xuño, de subvencións de Galicia.
- Que a entidade está ao día no pago de deberes por reintegro de subvencións, conforme ao artigo 10.2.g da Lei 9/2007, de 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.
- Todas as persoas vinculadas á federación con motivo do desenvolvemento do programa de fomento e promoción da modalidade deportiva obxecto deste Convenio que estean en contacto con menores, están en posesión do certificado negativo do Rexistro Central de Delincentes Sexuais (en cumprimento do artigo 13 da Lei Orgánica 1/1996 de 15 de xaneiro, de Protección xurídica do menor, modificado pola Lei 26/2015 de 28 de xullo, de modificación do sistema de protección á infancia e á adolescencia).
- No caso de presentar custos laborais que os traballadores cuxos custos laborais se imputan á subvención son persoal laboral federativo.
- No caso de que a federación teña en equivalentes niveis laborais traballadoras e traballadores estes terán igualdade salarial.

##### DOCUMENTACIÓN QUE SE PRESENTA

- Relación clasificada de gastos por programas por importe de \_\_\_\_\_ € (anexo IV)
- Facturas do gasto incorrido, así como os documentos bancarios acreditativos do seu pago.
- Memoria económica explicativa de cada un dos gastos presentados relacionándoos coas actividades deportivas realizadas.
- Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.
- Relación inventariada do material deportivo da federación, indicando uso, estado de conservación e localización do mesmo (anexo II).
- Anexo VI

##### SINATURA DA PERSOA REPRESENTANTE

Lugar e data

	,	de		de	
--	---	----	--	----	--

Secretaría Xeral para o Deporte





ANEXO V

RELACIÓN DE DOCUMENTOS E DECLARACIÓN PARA A XUSTIFICACIÓN DO SEGUNDO PAGO

DATOS DA ENTIDADE

RAZÓN SOCIAL

NIF

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME

PRIMEIRO APELIDO

SEGUNDO APELIDO

NIF

A PERSONA REPRESENTANTE DECLARA:

1. Que a subvención total concedida con cargo ao Convenio asinado foi de \_\_\_\_\_ €
2. Que no momento da sinatura do Convenio recibiu como 1º anticipo a contía de \_\_\_\_\_ €
3. Que xustificado en tempo e forma o 1º anticipo recibiu o 2º anticipo por importe de \_\_\_\_\_ €, restante do total do Convenio
4. Que en relación con outras axudas concedidas ou solicitadas:
  - Non solicitou nin se lle concedeu ningunha outra axuda para este mesmo proxecto ou conceptos.
  - Sí solicitou e/ou se lle concederon outras axudas para este mesmo proxecto ou conceptos para os que se solicita esta subvención, que son as que a continuación se relacionan:

ORGANISMO	CONCEDIDA		IMPORTE
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	
	<input type="checkbox"/> SI	<input type="checkbox"/> NON	

5. No caso de presentar custos laborais que os traballadores cuxos custos laborais se imputan á subvención son persoal laboral federativo.
6. No caso de que a federación teña en equivalentes niveis laborais traballadoras e traballadores estes terán igualdade salarial.
7. Que todos os datos contidos neste e nos demais documentos que se achegan son certos.

DOCUMENTACIÓN QUE SE PRESENTA

- Relación clasificada de gastos por programas por importe de \_\_\_\_\_ € (anexo IV)
- Facturas do gasto incorrido, así como os documentos bancarios acreditativos do seu pago.
- Memoria económica explicativa de cada un dos gastos presentados relacionándoos coas actividades deportivas realizadas.
- Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.
- Anexo VI

SINATURA DA PERSOA REPRESENTANTE

Lugar e data

, de de

Secretaría Xeral para o Deporte



## ANEXO VI

### CERTIFICACIÓN

Don/Dona \_\_\_\_\_

Secretario/a da Federación Galega de \_\_\_\_\_

#### CERTIFICA:

Que na páxina web da Federación Galega de \_\_\_\_\_ existe un apartado denominado “Transparencia” onde consta, polo menos, a seguinte información:

##### 1. Información institucional, organizativa e de planificación

- a) Funcións: As federacións deportivas galegas son entidades privadas sen ánimo de lucro que, xunto as funcións que lle son propias polo seu ámbito de actuación privada, exercen por delegación funcións públicas delegadas (art. 51.4 da Lei 3/2012, de 2 de abril, do deporte de Galicia). As funcións ás que se deberá dar publicidade son as que se especifican no art. 56 da Lei do Deporte de Galicia, e recollidas tamén nos respectivos Estatutos federativos
- b) Normativa aplicable:
- Lei 3/2012, de 2 de abril, do deporte de Galicia, ou norma que a substitúa.
  - Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, ou norma que a substitúa.
  - Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas, modificado polo Decreto 171/2021, do 23 de decembro.
  - Resolución do 8 de setembro de 2009, da Secretaría xeral para o Deporte, pola que se ditan as Normas de bo goberno das federacións deportivas de Galicia, ou ou norma que a substitúa.
  - Resto de normativa aplicable ás federacións deportivas que se aprrobe, así como a propia de cada entidade (Estatutos, Regulamentos, etc.)
- c) Estrutura organizativa: Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos.

##### 2. Información económica, orzamentaria e estatística

- a) Relación de contratos subscritos cunha Administración pública con indicación de: obxecto e duración; importe de licitación e adjudicación; procedemento de celebración; no seu caso, instrumentos a través dos cales se publicitou; número de licitadores no procedemento; identidade do adjudicatario; no seu caso, modificacións do contrato, decisións de desistimento e renuncia dos contratos; e, finalmente, porcentaxe total do contrato sobre o orzamento total da federación.  
Se os contratos tiveran unha duración inferior a un ano e os seus importes foran inferiores a 50.000 euros, cando se trate de contratos de obras, ou a 18.000 euros cando se trate doutros contratos, a información poderá cumprimentarse trimestralmente.
- b) Relación de convenios subscritos cunha Administración Pública, indicándose: partes asinantes, obxecto e duración, modificacións realizadas, partes obrigadas á realización das prestacións e, no seu caso, obrigas económicas convidas.  
Neste apartado informarase tamén das subcontratacións que se realicen con mención dos adjudicatarios, procedemento seguido para a adjudicación e importe da mesma.
- c) Subvencións e axudas concedidas pola entidade ou recibidas dunha Administración pública, con indicación do seu importe, obxectivo ou finalidade, e beneficiarios.
- d) Orzamentos federativos, con descrición das principais partidas e información actualizada e comprensible sobre o seu estado de execución.
- e) Contas anuais aprobadas pola Asemblea, informes de auditoría de contas, e informes de fiscalización complementarios que existan.
- f) Retribucións anuais (soldos e dietas), de xeito individualizado, dos máximos responsables federativos: Presidente/a, Secretario/a, Xerente, Tesoureiro/a, Director/a Técnico/a e demais membros dos órganos da federación que perciban retribucións. Igualmente, faranse públicas as indemnizacións percibidas, no seu caso, con ocasión do abandono do cargo.

E para que conste, expido o presente certificado,

\_\_\_\_\_ de \_\_\_\_\_ de 2024

O/a secretario/a

Visto e prace do/a presidente/a



## ANEXO VII

SITUACIÓN CONTABLE	
	2023
<b>PATRIMONIO NETO</b>	
<b>ENDEBEDAMENTO (1) + (2)</b>	
Pasivo Corrente (1)	
Pasivo Non Corrente (2)	
<b>FONDO DE MANOBRA (3) - (4)</b>	
Activo Corrente (3)	
Pasivo Corrente (4)	
<b>RESULTADO DO EXERCICIO (5) - (6)</b>	
<b>Ingresos (5)</b>	
Subvención SXP	
Subvencións outras Administracións	
Recursos propios	
<b>Gastos (6)</b>	
Persoal	
Servizos Profesionais	
Axudas	
Desprazamentos	
Subvencións	
Outros	
<b>TESOURERÍA (*) (1) + (2) - (3)</b>	
Saldo inicial (1)	
Cobros (2)	
Pagos)	
(*) Saldo da tesourería a 31 de decembro	

## ANEXO VIII

### PLAN DE VIABILIDADE

A Vicepresidencia Primeira e Consellería de Presidencia, Xustiza e Deportes, ten previsto asinar un Convenio de Colaboración coa Federación Galega de Piragüismo, para a realización do programa de promoción e desenvolvemento da súa modalidade deportiva para o ano 2024.

No apartado 4.3.a) recóllese a obriga de remitir, xunto coa solicitude, a información da situación contable da federación e, no seu caso, un plan de viabilidade. Asemade no apartado 4.4.1 recóllese a obriga por parte da federación de facilitar toda a información que se sexa requirida e someterse ás actuacións de comprobación da Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte.

Con base nesta previsión a Vicepresidencia Primeira e Consellería de Presidencia, Xustiza e Deportes,, así como no disposto no artigo 51, punto1, da Lei 3/2012, do 2 de abril, do Deporte de Galicia acordou a realización de plans de viabilidade para aquelas federacións que teñan unha situación económico financeira desfavorable (modelo A). Tendo en conta a situación da Federación Galega de Piragüismo asínase o seguinte Plan de Viabilidade:

O Plan terá unha duración de catro anos e poderá prorrogarse por períodos sucesivos ata alcanzar o adecuado equilibrio económico financeiro na federación.

O Plan deberá conter as seguintes magnitudes económicas ao 31 de decembro de cada ano:

**Patrimonio Neto**, que debe recoller unha estimación dos fondos propios, axustes por cambios de valor máis as subvencións de capital do Balance da Situación da federación.

**Endebedamento**, que debe recoller unha estimación da suma do pasivo non corrente e pasivo corrente do Balance de Situación da federación.





**Fondo de manobra**, que debe recoller unha estimación da diferenza entre o activo corrente e o pasivo corrente do Balance de Situación da federación.

**Resultados do exercicio**, que debe recoller a diferenza entre Ingresos e Gastos estimados do exercicio.

**Tesourería**, que debe recoller o saldo inicial do exercicio anterior segundo o Balance máis cobros do exercicio menos pagos do exercicio estimados.

O resultado do exercicio componse dos seguintes conceptos:

**Ingresos:**

Subvenciones Administracións Públicas

Recursos Propios, que debe corresponder co resto de ingresos contables estimados.

**Gastos:**

Persoal

Servizos profesionais

Axudas

Desprazamentos

Subvencións,

Outros

**SEGUIMIENTO DOS PLANS DE VIABILIDADE**

Calquera cambio que obrigue á federación para modificar á alza ou á baixa as súas previsións deberá comunicarse por escrito á Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, e contar coa súa autorización expresa.

Neste caso, a solicitude deberá sempre efectuarse antes de que se produza o feito puntual que altere as previsións de ingresos e/ou gastos establecidos no Plan de Viabilidade. Só en casos excepcionais poderán admitirse estes cambios con posteridade.

A solicitude deberá formalizarse como unha modificación orzamentaria, segundo o modelo habitual, coa desagregación de datos económicos e contables tanto a través de ficheiro informático como en documento asinado polo Presidente da federación.

O importe dos ingresos recollidos no Plan é estimativo e deberá axustarse cada ano ás cantidades realmente obtidas. En caso de diminución, deberá reducirse polo mesmo importe o orzamento de gastos. No caso de ingresos adicionais aos orzamentados no Plan, o seu destino prioritario deberá ser a redución do endebedamento.

O incumprimento do Plan dará lugar a unha penalización sobre as cantidades asignadas nas subvencións da Vicepresidencia Primeira e Consellería de Presidencia, Xustiza e Deportes durante os anos de vixencia do mesmo, podendo dar lugar ao reintegro parcial ou total da subvención concedida.

As federacións con Plan de Viabilidade aprobado deberán enviar semestralmente un informe de seguimento segundo formato establecido no modelo B, sendo o prazo para a súa remisión de 15 días a contar desde o peche do semestre. Este prazo poderá ser ampliado, en casos excepcionais, mediante autorización da Secretaría Xeral para o Deporte.

Cando a situación económico financeira da federación requírao poderán solicitarse informes de seguimento de carácter trimestral ou mensual.

Unha vez terminado o exercicio económico deberá remitirse un Informe de seguimento anual, segundo modelo C. Igualmente deberase enviar un Plan de Viabilidade actualizado coas modificacións que se produciron en función dos cambios ocasionados no exercicio, reaxustándose o resto das magnitudes económicas do Plan de Viabilidade (patrimonio, endebedamento, fondo de manobra e tesourería). Por último deberá enviarse un avance do Balance de Situación e da Conta de Resultados do exercicio.

O prazo para a remisión dos documentos anteriores será o 15 de febreiro do exercicio seguinte. Este prazo poderá ser ampliado, en casos excepcionais, mediante autorización da Secretaría Xeral para o Deporte.



**MODELO A**

<b>PLAN DE VIABILIDADE DA FEDERACIÓN----</b>				
	2024	2025	2026	2027
<b>PATRIMONIO NETO</b>				
<b>ENDEBEDAMENTO (1) + (2)</b>				
Pasivo Corrente (1)				
Pasivo Non Corrente (2)				
<b>FONDO DE MANOBRA (3) - (4)</b>				
Activo Corrente (3)				
Pasivo Corrente (4)				
<b>RESULTADO DO EXERCICIO (5) - (6)</b>				
<b>Ingresos (5)</b>				
Subvención SXP				
Subvencións outras Administracións				
Recursos propios				
<b>Gastos (6)</b>				
Persoal				
Servizos Profesionais				
Axudas				
Desprazamentos				
Subvencións				
Outros				
<b>TESOURERÍA (*) (1) + (2) - (3)</b>				
Saldo inicial (1)				
Cobros (2)				
Pagos)				

(\*) Saldo da tesourería a 31 de decembro de cada ano

.....,

O Presidente da Federación .....

*(documento asinado dixitalmente)*



**MODELO B**

<b>SEGUIMIENTO SEMESTRAL</b>					
	<b>REALIZADO A 30 DE XUÑO DE 2024</b>	<b>RESULTADO ANUAL EXTRAPOLADO (a)2</b>	<b>COMPROMETIDO NO PLAN DE VIABI- LIDADE (b)</b>	<b>IMPORTE DES- VIACIÓNS (a- b)</b>	<b>EXPLICACIÓN DA DES- VIACIÓN3</b>
<b>RESULTADO</b>					
<b>Ingresos</b>					
Subvención SXP					
Subvencións outras Administracións					
Recursos propios					
<b>Gastos</b>					
Persoal					
Servizos Profesionais					
Axudas					
Desprazamentos					
Subvencións					
Outros					

1 Importe acumulado dende o día 1 de xaneiro ata o final do semestre

2 Extrapolación do ano completo partindo do importe realizado no período

3 Engadir, cando proceda, explicación das magnitudes que sufriran variación con relación co compromiso anual



**MODELO C**

<b>RESUMEN ANUAL</b>				
	<b>TOTAL REALIZADO 2024 (a)</b>	<b>COMPROMETIDO SEGUNDO PLAN DE VIABILIDADE (b)</b>	<b>IMPORTE DAS DESVIACIONES (a-b)</b>	<b>EXPLICACIÓN DA DESVIACIÓN<sup>(1)</sup></b>
<b>RESULTADO</b>				
<b>Ingresos</b>				
Subvención SXP				
Subvencións outras Administracións				
Recursos propios				
<b>Gastos</b>				
Persoal				
Servizos Profesionais				
Axudas				
Desprazamentos				
Subvencións				
Outros				

<sup>(1)</sup>Explicar as causas de desviación entre os importes comprometidos e realizados. En caso necesario, ampliar detalles baixo a táboa ou en documento aparte